



# MEMBINA KERJAYA AKADEMIA

Mohd Azraai Kassim

# **MEMBINA KERJAYA AKADEMIA**

*Mohd Azraai Kassim*

v



## PRAKATA

Alhamdulillah

Pengkaryaan *Membina Kerjaya Akademia* ini berjaya diterbitkan.

Buku ini memberikan sekilas pandang tentang pelan kerjaya dalam bidang akademik. Pepatah ada menyatakan bahawa “pengalaman adalah guru yang terbaik” tepat menggambarkan penulisan buku ini. Selepas lebih daripada tiga dekad berkecimpung dalam akademia, saya terpukul untuk menulis dan berkongsi perspektif yang pelbagai berkaitan dengan kerjaya dalam bidang akademik serta cara untuk membina kerjaya tersebut dengan lebih jaya.

Perspektif yang dikongsikan ini bukan sahaja berdasarkan pengalaman saya sendiri, malah juga dari pelbagai tahap dan bidang masyarakat. Penulisan ini bukan hanya untuk berkongsi pengalaman, tetapi juga panduan dan realiti dalam bidang akademik agar mereka yang membaca buku ini akan mendapat manfaat. Pemikiran kritis dan kreatif yang diperlukan sewaktu menulis buku ini telah memperkuuh motivasi dan tekad saya dalam bidang ini. Ia juga lebih meyakinkan saya bahawa pilihan yang dibuat untuk menceburι bidang akademik pada suatu waktu dahulu adalah sangat tepat.

## KANDUNGAN

<i>Prakata</i>	vii
<b>Bab 1</b> Pengenalan	1
<b>Bab 2</b> Kerjaya Akademik yang Semakin Mencabar	5
<b>Bab 3</b> Tindakan Strategik Staf Akademik Baharu	17
<b>Bab 4</b> Merancang Laluan Kerjaya Secara Berkesan	25
<b>Bab 5</b> Pengalaman Membina Kerjaya	41
<b>Bab 6</b> Penutup	51
<i>Rujukan</i>	53
<i>Indeks</i>	55

## Bab 1

# PENGENALAN

**S**ejak dari kecil lagi, setiap individu sering ditanya oleh banyak orang termasuk guru dan ibubapa tentang cita-cita mereka apabila besar nanti. Pelbagai jawapan diberikan. Ini amat bergantung kepada ‘pandangan dunia’ golongan kanak-kanak yang dipengaruhi oleh media massa atau alam sekeliling. Ada yang hendak menjadi pegawai tentera, polis, dan bomba apabila mereka melihat pasukan beruniform. Ada juga yang bercita-cita sebagai ahli profesional seperti doktor, jurutera, peguam, arkitek dan akauntan. Namun begitu, idola yang paling dekat dengan pelajar ialah guru yang mendidik mereka. Istilah pensyarah jarang mereka ketahui kerana istilah itu hanya wujud di peringkat sekolah menengah.

Sebenarnya ramai orang mahu berjaya dalam kerjaya pilihan masing-masing. Sekalipun ini merupakan hasrat kebanyakan mereka yang bekerjaya, namun realiti menunjukkan tidak ramai yang betul-betul merancang supaya menjadi suatu kenyataan.